

PAGESUSI GIYA 22

Ang Dios Ba Manggi-angayon?

Usa ka bata sulod sa ciudad namatay naigo sa la-ag nga bala samtang siya naghimo sa iyang homework diha sa ilang lamesa. Usa ka batan-ong inahan nagpuyo sa subdivision nahibalo nga ang iyang anak adunay contracted AIDS gikan sa hugaw nga dugo nga nabalhin.

Ang mga trahedya o kalamidad nagapadayon sa atong kalibutan ug kita nangandoy gayod alang sa tubag niining tanan. Hain man ang Dios niining kalibutan nga puno sa pag-antos ug kamatayon? Ang Salmista nagpasalig kanato nga “Ang yuta puno sa iyang walay pagka pakyas nga gugma.” (Salmo 33:5).

Apan kon kana tinuod, nganong dili man niya tapuson ang mga pag-antos ug mga trahedya? Ang ika 20 nga kapitulo sa Pinadayag nagpakia kanato giunsa ug kanus-a sa Dios tapuson ang mga pag-antos.

1. ANG USA KA LIBO KA TUIG GIPADAYAG.

Ang Pinadayag 20 tukma nga usa ka libo ka tuig ang gitagal nga panahon nga mosunod ang ikaduhang pagbalik ni Kristo. Ang mga panghitabo nga nagalibot niining usa ka libo ka tuig nga panahon mao ang katapusang buhat sa bugno tali ni Kristo ug ni Satanas nga nagapadayon sukad misulod ang sala sa kalibutan.

Kini nga drama nagsugod didto sa langit sa dihang si Lucifer nagsilos ug nangabugho kang Jesus, nagsugod sa gubat uban sa dili mga hulag nga manulonda, gihinginlan ug giabog nganhi sa atong kalibutan. Ang drama nagpadayon dinhi sa kalibutan didto sa tanaman sa Eden, dayon paubos ngadto sa mga katuigan hangtod miabot sa unang hut-ong sa drama, sa dihang ang yawa mipugos sa katawhan nga ilansang si Kristo. (Pwede nga imong usbon pagtuon kining sugilanon sa giya 3.) Ang drama naka-abot sa katapusan sa sugilanon sa dihang duol na matak-op ang usa ka libo ka tuig nga gitagal nga panahon diin kining atong makasasala nga kalibutan pagalimpiyohan ug ibutang ilalom sa kamanduan ni Kristo. Ang Pinadayag 20 nagpakita kanato nga ang 1,000 ka tuig adunay duha ka nagkalahi nga pagkabanhaw.

Kinsa ang banhawon sa Dios gikan sa kamatayon sa unang pagkabanhaw nga mahitabo sa pagsugod sa usa ka libo ka tuig?

“Bulahan ug balaan ang tawo nga maka-ambit sa nahaunang pagkabanhaw! Sa mga tawong ingon niini ang ikaduhang kamatayon walay gahum a pagbuot, hinonoa sila mahimong mga sacerdote sa Dios ug ni Kristo, ug uban kaniya magahari sila sa usa ka libo ka tuig.” (Pinadayag 20:6).

Ang “Bulahan ug Balaan,” kadtong midawat ni Jesus ingon nga ilang manluluwas, maoy mamangon sa “Unang pagkabanhaw” kon ang mga matarong “maghari uban” ni Kristo panahon sa 1,000 ka tuig, kinahanglan sila banhawon sa pagsugod sa usa ka libo ka tuig.

Kinsa man ang banhawon sa ikaduha nga pagkabanhaw dayong tapus sa usa ka libo ka tuig?

“Ug bahin sa uban pa sa mga nangamatay, kini sila dili pa mabuhi pag-usab hangtod matapus una ang usa ka libo ka tuig.” – (Pinadayag 20:5).

Mga “Pahulay sa mga Patay” niadto lamang mga dautan nga nangamatay. Tungod kay ang mga matarong “bulahan ug mga balaan” nangabanhaw naman sa pagsugod sa 1,000 ka tuig. Busa ang 1,000 ka tuig.

Busa ang 1,000 ka tuig nabahin sa duha ka pagkabanhaw. Ang pagkabanhaw sa mga matarong diha sa pagsugod, ug ang pagkabanhaw sa mga dautan didto sa katapusan sa 1,000 ka tuig.

2. NANGABANHAW SA PAGBALIK NI KRISTO

Ang unang pagkabanhaw, sa mga matarong mahitabo sa ikaduhang pagbalik ni Kristo.

“Kay ang Ginoo gayud mao ang manaug unya gikan sa langit inubanan sa pagsinggit sa pagsugo, ug sa tawag sa punoan sa manulonda, ug sa tingog sa trumpeta sa Dios, ug unya ANG NANGAMATAY DIHA KANG KRISTO MOUNA SA PAGPAMANGON; ug KITA NGA BUHI PA NGA NAHABILIN, PAGASAKGAWON NGADTO SA MGA PANGANOD UBAN KANILA sa pagsugat sa Ginoo DIHA SA KAHANGINAN; ug sa ingon niini kita makig-uban na sa Ginoo sa tanang panahon.” 1 Tesalonika 4:16,17.

Sa pagbalik ni Jesus pag-usab dinhi sa yuta Iyang “banhawon ang mga patay diha kang Krisot” ug dad-on sila, uban sa mga matarong nga buhi, ngadto sa langit. Tungod kay mga dautan nakigabin man gihapon sa sala, dili sila mgaka-agwanta sa presensiya sa Dios, ug malaglag sila sa pagbalik ni Kristo (Lukas 17:26-30). (mahimo nga imong balikon ang Giya 8 ang mga panghitabo palibot sa pagbalik ni Jesus.)

3. SI SATANAS GIKADINAHAN DINHI SA YUTA SULOD SA USA KA LIBO KA TUIG.

Sa pagsugod sa usa ka libo ka tuig, ang mga matarong atua na sa langit, ug ang mga dautan nangamatay na silang tanan. Unsay mahitabo niini nga kalibutan panahon sa usa ka libo ka tuig?

“Ug unya akong nakita gikan sa langit nanaug ang usa ka manulonda nga sa iyang kamot diha ang yawi sa bung-aw sa kahiladman nga walay kinutuban, ug ang usa ka dakong talikada. Ug iyang gidakop ang dragon ang karaang serpente, nga mao ang yawi ug si Satanas, ug iyang gigapos siya sulod sa usa ka libo ka tuig. Ug iyang gitambog siya ngadto sa bung-aw, ug iyang gitabunan kini ug gitimbrihan kini sa ibabaw niya, aron dili na siya makapahisalaag sa kanasuran, hangtod matapos ang 1,000 ka tuig. Tapos niana siya kinahanglan buhian sa makadiyot.”—Pinadayag 20:1-3).

Sa pagbalik ni Jesus si Satanas magpabilin nga ginapos sulod sa 1,000 ka tuig. Asa man si satanas gibilango? Sa “Abyss” o sa pinulongang grego nagkahulogan ug “Lawom kaayo” kon “Walay kinutuban.” Sa Genesis 1:2 sa grego nga bersiyon sa daang tugon gigamit ang pulong “Abyss” paghulagway sa yuta sa wala pa ang paglalang, kini awa-aw. Busa ang yuta mao ang “Abyss” diin ang Dios magabilango ni Satanas.

Ang kasulatan naghulagway ni Satanas nga ginapos sa “dakong kadina”. Tinuod o literal ba kini nga kadina? Dili, simbolo lang kini, kadina sa circunstansiya. Si Satanas gusto gyud nga magpadayon sa pagpanglingla sa katawhan panahon sa 1,000 ka tuig. Apan dili na siya makakita ug mga matarong nga tentalon, kay sila toa na sa langit. Ug wala na siyay makita nga mga dautan nga giyahan, tungod kay silang tanan nangamatay na, nangatulog sa abog sa yuta. Dili na makapanglingla ni bisan kinsa, magsuroysuroy siya sa haw-ang nga kalibutan mapugos sa paghanduraw sa tanang mga kasakit ug trahedyang nga iyang nabuhat.

4. ANG MGA MATARONG MAGAHUKOM SA MGA DAUTAN.

Ang usa ka libo ka tuig, kini panahon usab sa paghukom. Apan hinumdumi nga ang paghukom naghukob sa upat ka hut-ong:

(1) Sa dili pa ang ikaduhang pagbalik nga paghukom (Pre Advent) sa mga matarong.

(2) Ang ganti sa mga matarong diha sa ikaduhang pagbalik.

(3) Ang paghukom sa mga dautan panahon sa 1,000 ka tuig.

(4) Ang ganti ni Satanas ug sa mga dautan sa pagtapos sa usa ka libo ka tuig. (Pwede nga imong tun-an pagbalik ang Giya 13 sa detalye sa mga hut-ong sa paghukom). Karon atong lantawon ang hut-ong 3 ug 4, ang imbistigasyon ug ang ganti sa mga dautan.

Atong nakita nga ang mga matarong nga nangamatay nga nangabanhaw ug ang mga matarong nga mga buhi gidala ngadto sa langit kauban ni Jesus sa iyang ikaduhang pagbalik. Sila atua sa poloy-anan sa langit panahon sa 1,000 ka tuig. Unsay ilang pagabuhaton didto?

“UNYA DIHAY NAKITA KO NGA MGA TRONO, UG NIINI NANAGLINGKOD ANG MGA GITUGYAN SA PAGPANGHUKOM. Usab nakita ko ang mga kalad sa mga gipamonggutanan sa ulo tungod sa ilang pagpanghimatuod mahitungod kang Jesus ug tungod sa pulong sa Dios, ug nga wala mosimba sa mananap nga mapintas o sa iyang larawan, ug wala modawat sa iyang marka diha sa ilang mga agtang o sa ilang mga kamot. SILA NANGABUHI PAG-USAB, UG NANAGHARI UBAN KANG KRISTO SULOD SA USA KA LIBO KA TUIG.”—Pinadayag 20:4,

Panahon sa usa ka libo ka tuig, ang mga matarong magarepaso sa mga kaso sa dautan nga katawhan ug sa mga nangahog nga manulonda, lakip ni satanas. Unsa ka haum sa mga martir, ang mga nakalabang sa mga pagsulay sa pagsusi ug pagsabot sa hukom sa Dios ngadto sa mga dautan.

Ang Dios sa maloloy-on naghatag sa mga linuwas nga mga katawhan kahigayunan sa pagtimbang-timbang sa iyang pagdumala uban sa mga dautan. Tingali daghan kita unya ug mga pangutana, sama sa; ngano nga wala ma ang akong aya-an dinhi? Maayo man to siya nga tawo” sa atong pag-utingkay sa mga record ug hukman ang mga patay “sumala sa ilang mga binuhatan sa natala sa basahon.” (bersikulo 12), kita makakita sa atong nga ang tanan niyang pagdumala sa katawhan, ang Dios husto-tarong ug pareho ang

paghukom sa matag-usa sumala sa ilang binuhatan. Atong makita giunsa sa balaang spiritu paghanyag sa katawhan ang matag kahigayonan nga modangop sa Dios, ang kaangayan sa matag sentensiya o silot kinin tataw ug klaro.

5. BUHIAN SI SATANAS PAGKATAPOS SA 1,000 KA TUIG

Paghinapos sa usa ka libo ka tuig, ang Bibliya nagpamatuod.

“Ug nakita ko ang balaang ciudad, ang bag-ong Jerusalem, nga nanaug gikan sa langit gikan sa Dios, gitagana ingon nga pangasaw-unon nga gidayundayonan alang sa iyang pamanhonon.”—(Pinadayag 21:2).

Kining kahibulongang ciudad mahimong atong poloy-anan sulod sa usa ka libo ka tuig. Karon ang balaan ciudad, uban ni Kristo ug ang tanang mga linuwas sulod niini, manaug gikan sa langit nganhi sa atong kalibutan.

Unsa ang buhaton ni Satanas pagkatapos sa usa ka libo ka tuig?

“Inig katapos na sa usa ka libo ka tuig, ksi satanas pagabuhian gikan sa iyang bilanggoan, ug mogowa siya aronsa pagpahisalaag sa mga nasod nga anaa sa upat ka tumoy sa yuta, sa Gog ug Magog sa pagpatagbo kanila aron sa pagkiggubat. Ang ilang gidaghanon sama sa bonbon sa dagat, ug mitungas sila ngadto sa halapd nga yuta ug ilang gilibutan ang kampo sa mga balaan ug ang ciudad nga hinigugma; apan dihay kalayo nga mikunsad gika sa langit ug milamoy kanila.”—(Pinadayag 20:7-9).

Ang mga dautang banhawon sa ikaduhang pagkabanhaw sa pagkatapos sa 1,000 ka tuig. Sa diha nga ang mga matarong mobalik dinhi sa yuta uban ang balaang ciudad ug ang mga dautan pagabanhawon, si satanas “pagabuhian sa hamubo nga panahon” (bersekulo 3). Uban sa mga dautan siya magagiya kanila pagpakiggubat sa mga matarong. Walay pag-usik sa panahon, iya dayon hiusahon ang mga dautan ngadto sa dakong panon sa kasundalohan. Si satanas magamando sa pag marcha palibot sa balaang ciudad. Sa diha nga ang mga dautan nakaandam na palibot sa bag-ong Jerusalem (bersekulo 9) ug ilang natagbo ang saktop sa kakuyaw a kalayo nga mikunsad gikan sa langit nga milamoy kanila sa walay katapusan.

6. ANG TALAN-AWON SA KATAPUSANG PAGHUKOM

dinhi, sa unang higaon sukad, ang tanang rasa sa katawhan managkatagbo nawong por nawong. Si Jesus maga-una sa mga linuwas nga mga anak sa Dios nga anaa sulod sa ciudad. Si satanas mangulo sa panon sa mga dautan nga atua sa gawas sa ciudad. Niining kulba-hinam nga gutlo, ang Dios nagdala sa katapusang hut-ong sa paghukom ug ang mga dautan makadawat sa ilang katapusang adlaw sa hukmanan.

“Unya nakita ko ang usa ka dakong trono nga maputi ug ang naglingkod niini, gikan sa kang kinsang atubangan ang yuta ug ang kalangitan nanagkalagie, ug walay dapit nga hingka-palagan alang kanila.. ug ang mga patay gipanaghukman pinasikad sa nahisulat diha sa mga basahon, pinasikad sa ilang binuhatan.”—(Pinadayag 20:11-12)

sa diha nga ang mga dautan managtindog atubangan sa trono sa hustisya, ang tibuok nilang kinabuhi ablihan sa ilang atubangan. Gikan sa mga record sa langit, si Jesus ang matarong nga maghuhukom, sa pormal buksan ang tibuok sugilanon sa iyang pagdumala uban sa nangahulog nga katawhan lalake, babaye ug mga manulonda.

Ang tibuok nga uniberso naglantaw uban ang masibuton nga interes. Nagabarog atubangan sa trono sa Dios, si Jesus magahatag sa matag usa sa mahinuklogon nga panglantaw sa iyang maluwasong buhat. Iyang ipadayag nga siya mianhi aron sa pagpangita ug pagluwas sa nawala. Misulod siya dinhi sa kalibutan sa tawhanon nga unod, ug nagkinabuhi nga walay sala taliwala sa mga panlimbasog ug mga tentasyon, naghimo sa katapusang pagsakrispisyo didto sa krus, ug nagserbisyo ingon nga atong labawng Pari sa langit. Sa katapusan sa diha nga si Kristo sa magul-anon mitikang sa unahan ug nagpasa sa sentensiya niadtong misalikway sa iyang grasya, ang matag usa ka binuhat sa tibuok uniberso makaila ug makadawat sa katarong ug hustisya ug a kamahinungdanon niining katapusang buhat sa Balaang paghukom.

“Kay kitang tanan moatubang ra unya sa hukmanan sa Dios; kay nahisulat nga naga-ingon, maingon nga ako buhi, nagaingon ang Ginoo, ang tanang tuhod magaluhod sa atubangan ko, ug ang tanan dila magadayeg sa Dios.”—Roma 14:10-11

“Si Kristo Jesus... nagmatinumanon ngadto sa kamatayon, bisan ang kamatayon didto sa krus... diha sa ngalan ni Jesus ang matag tuhod magaluhod didto sa langit ug dinhi sa yuta,... ug ang matag dila magasugid nga si Jesus Ginoo, ngadto sa himaya sa Dios nga Amahan.”—Pilipos 2:5-11

Sukad nga ang sala nagsugod, ang yawa nagsigi na ug butang-butang sa kinaiya sa Dios, nag-akusar kaniya nga dili manggi-angayon. Apan karon ang tanang mga pangutana matubag, ang tanang mga kalibog masulbad, karong ang matag binuhat sa tibuok uniberso makaila nga si Jesus, ang kordero sa Dios, takus sa atong gugma ug pagsimba. Ang tibuok plano ug kaluyahon sa Dios karon gipadayag, ug ang kinaiya sa Dios nagabarog sa pagpanghimatuod.

Dili lang kay ang mga linuwas magapamatuod, kon dili ang mga dautang mga manulonda ug si Satanas mismo mo kompisal nga ang paagi sa yawa sayop nang daan ug nga ang pamaagi sa Dios tarong ug tinuod. Ang tanan makakita nga ang dautan ug pagkadalo magagiya lamgan sa dili pagkamalipayon ug pagkadiskontento ug dili takus nga magpadayon.

7. MIABOT NA ANG KATAPUSANG PANAHOON SA SALA

Bisan tuod ug si satanas ug bagang panon sa mga dautan miangkong nga dalan sa Dios maoy matarong, apan ang ilang kasingkasing wala mausab, ang ilang mga kinaiya nagpabilin nga dautan, ug human ang paghukom ipalanog ug ipahibalo ang mga dautan.

“Ug mitungas sila ngadto sa halapd nga yuta ug ilang gilibutan ang kampo sa mga balaan ug ang siyudad nga hinigugmal; apan dihay kalayo nga mikunsad gikan sa langit ug milamoy kaniya, ug ang yawwa nga nagpahisalaag kanila gitambog ngadto sa linao nga kalayo ug aso-pre...unya ang kamatayon ug ang Hades gitambog ngadto sa linaw nga kalayo, mao kini ang kamatayon ug ang Hades gitambog ngadto sa linaw nga kalayo. Mao kini ang ikaduhan kamatayon. Ug kon ang ngalan ni bisan kinsa dili mahikaplagan nga nahisulat diha sa basahon sa kinabuhi, siya itambog ngadto sa linaw nga kalayo.” — Pinadayag 20:9-15,

Sa katapusang paghukom ang kalayo sa walay katapusang Dios magalaglag sa sala ug kadtong mga gahi ug ulo nga midangop niini. Si satanas ug ang tanang nahisalaag mga laglag niining “ikaduhaing kamatayon,” ang walay katapusang kamatayon nga wala nay pabangon, ang ilang pagkamasinupakon nagabiya sa dautan alang sa tinuod nga kalipay, ug sila nangalaglag uban sa yawa ug sa iyang mga manulonda.

Ang langitnong kalayo maoy hingpit nga molimpyo sa yuta gikang sa kahugaw sa sala;

Sa katapusan ang Dios makaangkong na a limpyo nga uniberso, dili na gayod mahugaw sa dautan.

Ang taas nga bugno taliwala sa maayo ug sa dautan, taliwala ni Kristo ug sa yawa, sa katapusan natapos ra gayod, ug si Kristo naghari. Ang Kurtina sa karaang drama sa sala nahulog na, ug mibangon ang himaya sa bag-ong kalibutan sa walay kinutoban nga mga posibilidad.

8. ANG YUTA GILIMPYOHAN UG NABAG-O

gikan sa mga abo niining katapusang paglimpyo sa makalilisang kalaglagaan, ang Dios magbuhat ug bag-ong kalibutan.

“Unya nakita ko ang usa ka bag-ong yuta, kay ang unang langit ug ang unang yuta nanganaw na man,... ug nakita ko ang balaang siyudad, ang bag-ong Jerusalem, nga nanaug gikan sa langit, gikan sa Dios. Tan-awa ang poloy-anan sa Dios ana-a uban sa mga tarwo. Siya magapuyo ipon kanila ug sila mahimong iyang katawhan ug ang Dios gayod mao ang magpakig-uban kanila (Ug mahimong ilang Dios). Ug iyang pahiran ang tanang luha gikan sa ilang mga mata, ug ang kamatayon wala na, ug wala na usab unyay pagminatay, ni paghilak, ni kasakit, kay ang unang mga butang nangagi na... tan-awa, ginabag-o ko ang tanan mga butang.” — Pinadayag 21:1-5.

Ipasig-uli, ibalik ngadto sa orihinal nga katahom, ang yuta mahimong poloy-anan sa mga linuwas alang sa walay katapusang kapanahunan. Libre na sa mga dalo ug hakog, sa mga sakit ug pag-antos, ato ang tibuok uniberso sa pagsuroy, kahibulongan nga relasyon ang mamugna ug walay katapusan diin kita magalingkod sa tiilan ni Jesus pagpaminaw, makatuon, ug mahigugma. (alang sa kinatibuk-ang paghulagway sa bag-ong kalibutan, basaha ang Giya 9).

Asa ikaw magplano pag-abot niana nga adlaw? Nakahukom ka ba uban ni Kristo sulod niana nga siyudad? Ug maluwas sa dayon? O didto ka sa gawas sa siyudad nga wala si Kristo ug mawala sa dayon.

Kon imong gibutang ang imong kinabuhi sa mga kamot ni Jesus, dila na kinahanglan makasinati sa dili masaysay nga kahadlok niadtong naa sa gawas sa siyudad nga nakasabot nga sila nawala sa dayon. Bisan unsay nadangatan sa imong kinabuhi, kon imong gitugyan ang imong kinabuhi sa mga kamot ni Jesus karon, makasulod ka sa siyudad uban ni Kristo ug sa mga linuwas. Kon wala pa nimo kini nahimo, ihatag na ang imong kasingkasing ni Jesus karon, ug iyang palibutan ikaw sa iyang gugma ug pagpasaylo. Kini ang imong kahigayunan. Kini ang adlaw sa imong kaluwasan.